



## INATSISARTUNI

Partii Inuit  
Randi Broberg

UPA 2014/52-1  
9.4.2014

**Pillugu siunnersuut: Atorfimmi ileqqorlunnerup akiornissaanut Naalagaaffiit Peqatigiit isumaqatigiissutaannut Kalaallit Nunaata ilanngunneqarnissaanik matumalu aalajangiiffigisassatut siunnersuutip akuerineqarnerata kingunitsianngua tamatuma sulissutigineqalernissaa aallartinneqaqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaqaq Sara Olsvig, Inuit Ataqtigiit)

Partii Inuit soqutigarpugut, inuiaqatigiit iluini ingerlatsineq sunaluunniit, sapinngisamik ammasumik unneqqarissumillu ingerlanneqassasoq.

Siunnersuutip Inatsisinut Ataatsimiititamut ingerlateqqinneqarnissaanik innersuut Partii Inuit akuersaaqataaffigissavarput, ima kaammattuuteqarluta:

Partii Inuit isumaqarpugut, avatangiisitsinni pissutsit kisiisa uuttuutigissallugit pisariaqartuaannanngitsoq.

Taamaattumik Partii Inuit isumaqarpugut, Nunatsinni nammineq pisariaqartitsinerput, killiffipullu aallaavigalugit, namminneq najoqqutassatut atugassatsinnik pilersitsisoqarsinnaasoq.

Partii Inuit pingaarnertut isigaarpugut, nammineq soqutigisarsornerup saqqummersissinnaanissaanut, unitsissinnaanissaanullu sakkussat nammineq pigissallugit pingaarnerpaajusut.